

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-1379-8/24
Teočak, 27.11.2024. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-1379-7/24 zaključenog dana 26.11.2024. godine, Ugovor za nabavku usluge izrade idejnog projekta dječijeg obdaništa u Općini Teočak dodjeljuje se najpovoljnijem ponuđaču „HG-INŽENJERING“ doo Tuzla, za ponuđenu cijenu od **5.900,00 KM** bez PDV-a po ponudi broj: 223-11/2024 od 20.11.2024. godine. Ukupna vrijednost radova s obračunatim PDV-om iznosi **6.903,00 KM**.

Član 2.

Prijedlog Ugovora dostavit će se na potpis izabranom ponuđaču na adresu „HG-INŽENJERING“ doo Tuzla, Gine Herman bb- preko puta br. 55; 75000 Tuzla.

Član 3.

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije dokaza o činjenicama navedenim u Izjavi iz člana 45. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-1379-1/24 od 30.10.2024. godine. Javna nabavka je provedena putem otvorenog postupka. Procijenjena vrijednost javne nabavke je bila 8.500,00 KM bez PDV-a.

Komisija za javnu nabavku, koja je imenovana Rješenjem broj: 02-11-38/24 od 05.01.2024. godine, Ugovornom organu je dostavila dana 27.11.2024. godine Zapisnik o otvaranju ponuda broj: 02-11-1379-6/24 i Zapisnik o pregledu i ocjeni ponuda sa preporukom za izbor najpovoljnijeg ponuđača broj 02-11-1379-7/24 zaključen dana 26.11.2024. godine u postupku javne nabavke usluge izrade idejnog projekta obdaništa na području Općine Teočak.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 4 (četiri) i to ponude od: DH Inženjering doo Brčko, Routing doo Banja Luka, HG-Inženjering doo Tuzla i Institut za građevinarstvo „IG“ doo Banja Luka;
- da je blagovremeno zaprimljeno 4 (četiri) ponude i to ponude od: DH Inženjering doo Brčko, Routing doo Banja Luka, HG-Inženjering doo Tuzla i Institut za građevinarstvo „IG“ doo Banja Luka;
- da je neblagovremeno zaprimljeno 0 (nula) ponuda;

Prilikom analize ponuda vezano za ispunjavanje zahtjeva iz opisa predmeta nabavke i tehničkih specifikacija, komisija je utvrdila da su ponude od ponuđača HG-Inženjering doo Tuzla i Institut za građevinarstvo „IG“ doo Banja Luka prihvatljive, jer ispunjavaju sve uslove iz tenderske dokumentacije. Ponude od ponuđača DH Inženjering doo Brčko i Routing doo Banja Luka su ocijenjene kao nepravilne jer ne ispunjavaju sve uslove tražene tenderskom dokumentacijom. Ponuđač DH Inženjering doo Brčko je propustio dostaviti ili je dostavio nepotpune sljedeće dokumente tražene tenderskom dokumentacijom: sadržaj ponude, nacrt ugovora, ovjerene kopije diploma, biografije i dokaze o radnom iskustvu za tražene inženjere. Ponuđač Routing doo Banja Luka nije dostavio biografije u skladu sa zahtjevom iz tenderske dokumentacije.

Vrijednost prihvatljivih ponuda bez PDV-a su sljedeće: HG-Inženjering doo Tuzla je dostavio ponudu po cijeni od 5.900,00 KM, a ponuđač Institut za građevinarstvo „IG“ doo Banja Luka je dostavio ponudu po cijeni od 6.999,00 KM. Za navedeni postupak javne nabavke nije bila predviđena e-aukcija, a kriterij za ocjenu ponuda je najniža cijena.

Vrijednost najpovoljnije ponude po ocjeni komisije za javne nabavke iznosi 5.900,00 KM, što je niže od procijenjene vrijednosti, te je Komisija putem Zapisnika o pregledu i ocjeni ponuda preporučila donošenje Odluke o okončanju postupka javne nabavke i izbora najpovoljnijeg ponuđača HG-Inženjering doo Tuzla.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije. U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

- Ponuđačima
- a/a



Općinski načelnik

Tajib Muminović